

Oqaluuserisassanut nassuiaat.

(Inatsisartut Siulittaasuut)

Apeqquteqaat aallaavigalugu oqallisissiat allat marluk 168-imik aamma 45-mik normoqartut ilanngunneqarput.

Immikkoortoq 168: Apeqquteqaat aallaavigalugu oqallinnissamik siunnersuut, Aatsitassanut Inatsimmi aatsitassarsiorluni ingerlatseqatigiiffiit nunatsinni qallorneqartut suliareqqeqqaarlugit nunanut allanut anninneqarsinnaanerannik piumasqaarsinnaatitaaneq atuutiinnassava.

Immikkoortoq 168 ulloq 7. maj oqaluuserineqassasoq siunnersuutigineqarpoq.

Immikkoortoq 45: Ujaqqat pinneraasiassat aalajangersimasut nunatsinni piaarneqarsimasut suliareqqaarlugit sileqqaarlugillu nunatsinniit anninneqartarnissaat piumasqaatigineqalissagaluarpat pitsaaqutigisinnaasai pitsaanngequtigisinnaasaalu pillugit apeqquteqaat aallaavigalugu oqallisissiaq.

Immikkoortoq 45 ulloq 8. maj oqaluuserineqassasoq siunnersuutigineqarpoq.

Simon Simonsenip Inatsisartunit tunuarnerata aammalu Jess Svanep Inatsisartunit ilaasortanngornerata kingorna sinniisussamik nutaamik aggersaasoqarnissaa Siumup qinnutigaa. Sinniisussaq tulliusoq tassaavoq Jens Danielsen. Jens Danielsenili 1. maajip tungaanut napparsimasutut nalunaarutigineqarpoq, taamaalillunilu Jens Danielsenip napparsimanerani Mala Høy Kuko sinniisutut aggersarneqarpoq.

Mala Høy Kukop qinigaasinnaanera Qinigaasinnaanerup Misilinneqarnissaanut Ataatsimiititaliamit akuerineqarpoq.

Taamaalillungalu Mala Høy Kukop Erik Jensenip, Siumumeersup, sulinnigiffeqarnerani tassunga sinniisutut Inatsisartut ataatsimiinneranni peqataanissaa Inatsisartunit akuerineqassasoq inassutigaa.

Akerliusoqarpa.....

Mala Høy Kuko tikilluarit Inatsisartuni inissannut ingissinnaavutit.

Ilaasortat uku akornanni taasisarnerit pillugit isumaqatigiissuteqartoqarpoq:

Laura Táunâjik, Siumut aamma Múte B. Egede, Inuit Ataqatigiit

Karl Kristian Kruse, Siumut aamma Aqqaluaq B. Egede, Inuit Ataqatigiit